



# ბიულეტენი

აფხაზეთის სულიერებისა და კულტურის ცენტრის  
ყოველთვიური საინფორმაციო ორგანო

№4 (10) აპრილი 2008 წელი



## წმინა სამება

სრულიად საქართველოს კათოლიკოს-პატრიარქი ილია II



სრულიად  
საქართველოს  
კათოლიკოს-  
პატრიარქი  
ილია II



წილა მუჟა  
პასტანბ ბორბასალი

ბიულეტენი გამოდის ცხუმ-აფხაზეთის მიტროპოლიტ დანიელის (დათუაშვილის)  
ლოცვა-კურთხევით 2007 წლის ივლისიდან



უზმედიდებისა და უნ ეჭარი ელის, სრულად საჭირთვედოს  
კათოლიკოს-პატრიარქის ილია II ატსაყდრების 30 წლისთავი

ილია II ხატუაჩა

ახლანან გამოიცა სრულიად საქართველოს კათოლიკოს-პატრიარქის, უწმიდესისა და უნეტარესის ილია II მიერ შექმნილი ფერწერული ნაწარმოებების ალბომი.

მასში წარმოდგენილ ნამუშევართა მიხედვით, მისი უწმიდესობის მხატვრობაში იკვეთება სამი ძირითადი მიმართულება: პირველს წარმოადგენს დაზვიადებული ხატურის ნიმუშები („ყოვლადწმიდა სამება“, „ივერიის ყოვლადწმიდა ღვთისმშობელი“, „წმიდა მთავარანგელოზი მიქაელი“ და სხვ.). ეს ხატები, ძირითადად, დაწერილია ტემპერის საღებავებით ტილოზე ან ხეზე; მათში მკაცრად დაცული ტრადიციული, აკადემიური და კლასიკური კანონები.

მათგან განსაკუთრებით გამოირჩევა ხატი „ყოვლადწმიდა სამება“. ოთხკუთხა ფორმის მქონე ხატის ცენტრალურ, წრიულ ნაწილში – ტონდოზე გამოსახულ ანგელოზთა სამი ფიგურა იმდენად ზუსტადაა კომპოზიციურად აგებული და ერთმანეთს შერწყმული, რომ თითქოს ავტორი მათი წერისას ზუსტი მათემატიკური კანონებით ხელმძღვანელობდა, რამდენადაც ნებისმიერი დეტალის ოდნავი გადაადგილებაც აქ აშკარად დაარღვევდა კომპოზიციის მთლიან ჰარმონიულობას. ანგელოზთა ფიგურების რბილი მოდელირებით, დრაპირების ფერადოვანი ლაქებითა და მეტყველი, გამომსახველი ხაზებით უაღრესად დახვეწილი მოცულობითი ფორმა იქმნება. ავტორის ღრმა ფერწერულ

აზროვნებაზე მეტყველებს ხატის უმშვენიერესი კოლორიტი, აგებული შინდისფერის, მუქი ცისფრის, ზეთისხილისფერისა და ოქროსფერის ურთიერთმონაცვლე წყობაზე.

ვფიქრობ, რომ წერის რაფინირებული მანერითა და მაღალმხატვრული გამომსახველობით ეს ნაწარმოები უეჭვოდ იმკვიდრებს ღირსეულ ადგილს მართლმადიდებლური ქრისტიანული ხელოვნების საუკეთესო ძეგლთა შორის.

მეორე მიმართულებას უნდა განეკუთვნოს, ჩემი აზრით, ქართველ წმინდანთა პორტრეტები, რომლებიც შექმნილია საეკლესიო მონუმენტური მხატვრობის პრინციპების დაცვით („ღვთივაცული საქართველო“, „წმინდა გიორგი“, „წმინდა ვახტანგ გორგასალი“, „წმინდა თამარ მეფე“).

მათგან უაღრესად შთაბეჭდავია ფერწერული ტილო „წმინდა ვახტანგ გორგასალი“.

მეომრის სამოსით წარმოდგენილი ფიგურა ქართველი მეფისა მკაცრად და მტკიცე, რასაც ხაზს უსვამს მისი მყარი, ფრონტალური დგომა, ერთგვარი იერატიულობის ელფერი რომ დაჰკრავს. ფიგურის სტატუარულობასა და სიმკაცრეს, რასაც ავტორი აღწევს ცალკეულ დეტალთა და სახვით-ფერწერული ნიუანსირების ერთიან გამაში გაერთიანებით, მეფის გამოსახულება მონუმენტურობის სიმალლემდე აჰყავს. აქ იგრძნობა დიდი შინაგანი ძალა მეფისა, რომელიც თითქოს გადის მისი ისტორიული ყო-

ფიერების საზღვრებიდან და მეფე-გმირის, მეფე-მებრძოლის, მეფე-წმინდანის განზოგადებულ სახედ წარმოგვიდგება. სიტყვიერად აუხსენია და გონებით ვერწვდომადი ის უეჭვოდ ღვთიური ძალით გარდამოვლენილი ძალა მხატვრობისა, რითაც ამგვარი ფიზიკური ძალოვნებით და იმპერატორულად, სულიერებით დამუხტული პორტრეტი იქმნება. ჩემი აზრით, „წმინდა ვახტანგ გორგასალი“ მონუმენტური ფერწერის შედეგია.

მესამე მიმართულებას უწმიდესისა და უნეტარესის, სრულიად საქართველოს კათოლიკოს-პატრიარქის ილია II შემოქმედებაში უნდა მივაკუთვნოთ ის ფერწერული სურათები (ძირითადად პორტრეტები), რომლებიც თავისუფალი, თანამედროვე ფერწერის მანერითაა შესრულებული („ძველთა დღეთა“, „ჩვენთან არს ღმერთი“, „ქართლოსი“, „დედისა და მამის პორტრეტები“ და სხვ.). ისინი, გარკვეულწილად, ნაივური ხელოვნების ნიშნების მომცველია და მათში იმდენად გასაოცარი ძალით გამოსჭვივის უწმიდესის დიდი გულწრფელობა და ღრმა სულიერება, რომ ეს ნაწარმოებები, დამოუკიდებლად მათში გამოსახულ პირთა ვინაობისა, თავად მისი უწმიდესობის ავტოპორტრეტებად წარმოგვიდგება: მათ ხომ თითქოს შარავანდედად ადგას თეთრი ფერი – სიწმინდისა და სისპეტაკის სიმბოლო.

რადიო თორღია  
საქართველოს სახალხო მხატვარი

მაჩთული მხედრული ისტორიის მართი ნათელი ფუჯვარი

1993 წლის 15-16 მარტი უმნიშვნელოვანესი თარიღია აფხაზეთის ომის ისტორიაში. ეს იყო დღეები, როდესაც კიდევ ერთხელ ნათლად გამოჩნდა ქართველი კაცის ძლიერი მხედრული სული, სამშობლოსათვის თავდადება, მისი შინაგანი ბუნება. აფხაზეთა სახელს ამოფარებული უცხო ძალა გამეტებით ცდილობდა იმ მიწის წაგლეჯვას, რომელზედაც, კარგა ხანია, თვალი ჰქონდა დადგმული სათავისოდ და რომლის მოპოვების შესაძლებლობას ერთი წუთითაც არ უშვებდა ხელიდან. საშინელი ღამე იყო. ჭურვების გრიალისაგან ყურთასმენა დახშობოდა ყველას. ე.წ. მანათობელი ბომბებისაგან მდინარე გუმისთის მიმდებარე მთელი ტერიტორია დღესავით იყო განათებული. მტერი აჩადარის ციტრუსის პლანტაციებში შემოვიდა. თავგამეტებული ბრძოლა მიმდინარეობდა. სამშობლოს დამცველები გოჯსაც არ უთმობდნენ მტერს. მრავალი ვაჟკაცი შეიწირა ამ შეტაკებაში.

ყოველწლიურად 15-16 მარტს თბილისში აფხაზეთის ომში დაღუპულთა მემორიალთან უამრავი ადამიანი ივრიბება.

აქ მოდიან აფხაზეთის უმაღლესი საბჭოსა და მთავრობის წარმომადგენლები, დაღუპულთა ახლობლები, უბრალო მოქალაქეები. ასე იყო წელსაც. ტრადიციულად ჯერ ვოვა ვეკუას მემორიალი შეამკეს გვირგვინებით, შემდეგ გმირთა მოედანზე გადაინაცვლეს, სადაც ცხუმ-აფხაზეთის მიტროპოლიტმა დანიელმა (დათუაშვილი) დაღუპულთა სულის მოსახსენებელი პანაშვიდი გადაიხადა. პანაშვიდი ჩაატარა ასევე ამაღლების ტაძარში დეკანოზმა ბიძინამ (გუნია). ბევრი თბილი სიტყვა ითქვა. იყო ცრემლი და მოგონებები.

აფხაზეთის უმაღლესი საბჭოს თავმჯდომარე თეიმურაზ მჭავია:

– მასხენდება ჩემი სტუდენტობის პერიოდის პოლემიკა, რომლის შინაარსი განსაკუთრებული აქტუალობით განიხილებოდა იმ ახალგაზრდებში, რომელთა ცნობიერებაში ღრმად იყო ფესვმოკიდებული დისიდენტური, საბჭოთა ტრადიცი-

(გაგრძელება მე-4 გვ.)



# ქართული მხედრული ისტორიის ერთი ნათელი ფურცელი

(დასაწყისი მე-3 გვ.)

საგან მკვეთრად განსხვავებული წარმოდგენები, ეს გახლდათ თემა პიროვნებისა და საზოგადოების როლის შესახებ ისტორიაში და უმრავლესობის პოზიცია აშკარად იხრებოდა პიროვნების სასარგებლოდ. მას შემდეგომ საკმაოდ დიდმა დრომ განვლო, პიროვნებისადმი და ისტორიული პროცესების განვითარებაში მისი აქტიური ფუნქციისადმი ჩემმა წარმოდგენამ ნაკლებად განიცადა ტრანსფორმაცია, მაგრამ პარალელურ სივრცეში საკუთარი ადგილი სხვამ, არანაკლებ მნიშვნელოვანმა დაიჭირა – სამშობლოს ჯარისკაცმა, მხედარმა, რომლის მისწრაფება და სულისკვეთება უშუალოდ ეხმიანება იმ უდიდეს ფასეულობას, რომლისადმი ერთგულება ქართულ ისტორიულ რეალობაში გამოკვეთილი ნიშან-თვისებაა და სამშობლოსადმი თავდადებულთა და ზვარაკად შეწირულთა დიდ წარმომადგენლობას ქმნის. ამ თვალსაზრისით 1993 წლის 15-16 მარტი ქართული მხედრული ისტორიის ორგანული და ნათელი ფურცელია, რომელიც სათავეს ისტორიული სიღრმეებიდან იღებს. ამბობენ, გმირებად არ იბადებიანო, თუმცა გმირობა გამორჩეულთა ხვედრია და უფლის ნებითაა განპირობებული, ამიტომ მათ ჩვენში უფლის კაცებად აღიარებდნენ და რაოდენ დასანანია, რომ მხედრულმა თავდადებამ და მხედრულმა თავგანწირვამ თანამედროვე ქართულ საზოგადოებრივ ცნობიერებაში კუთვნილი და ღირსეული ადგილი ვერ დაიჭირა, თუმცა მინდა ვირწმუნო, რომ გმირი ქვეყნისათვის განსაკუთრებული სამსახურით სამომავლოში იმკვიდრებს საკუთარ ადგილს, არამედ იმიტომაც, რომ მათ მიმართ ჩვენი წარმოდგენაც უსათუოდ გაკეთილშობილდება.

კიდევ ერთი რამ ჩემი მოსაგონარიდან:

ამ რამდენიმე წლის უკან ჩემი სკოლის ყოფილი მოსწავლე ვახტანგი მეწვია, რომელმაც აფხაზეთის დაცემის შემდეგ მიიღო გადაწყვეტილება უცხოეთში ედია საკუთარი ბედი და ადგილი. ალბათ, მიაღწია კიდევაც საწადელს ნაწილობრივ, ჰოლანდიაში დროებით გაჩერებულმა სიყვარულიც იპოვა და ოჯახიც შექმნა, ორ ვაჟიშვილს ზრდის და სამსახურსაც არ ემდურის. გავცვალეთ ერთმანეთში შეკითხვები, პასუხებითაც დავივამყოფილეთ ჩვენი ინტერესი და ბოლოს შევეკითხე, თუ რამ დატოვა მასზე ყველაზე დიდი შთაბეჭდილება ჰოლანდიაში, რაზედაც დაუფიქრებლად შემდეგი მომიტხრო: ჰოლანდიაში ჩასვლისთანავე ჩემი ბიძაშვილის ძალისხმევით გაჩერდი ქ. უტრეხტის ერთ-ერთ სასტუმროში, რომელიც რატუმის მოედანზე მდებარეობდა. დავიკავე სხვენზე განლაგებული პატარა მანსარდული ნომერი, საიდანაც მთელი მოედანი ხელისგულზე იშლებოდა. რატუმის მოედნის ცენტრში აღმართული იყო მეორე მსოფლიო ომში დაღუპულ ჰოლანდიელ ჯარისკაცთა მემორიალი, სადაც განუწყვეტლივ, დღე თუ ღამე თავს იყრიდნენ ქალაქელები, როგორც ხანში შესულები, ასევე ახალგაზრდები და გასაოცარ სითბოს ავლენდნენ საკუთარი ღირსების სიმბოლოს მიმართ. აქ მოჰყავდათ სკოლის მასწავლებლებს პატარა აღსაზრდელები, მოდიოდნენ შეყვარებული წყვილები, ომის ვეტერანები და ქალაქის სტუმრები... ისეთი შთაბეჭდილება დამრჩა, თითქოს მემორიალი მათი ცხოვრების ორგანული შემადგენელი და განუყოფელი ნაწილი იყო.

ვახტანგის მოთხრობილმა არა მხოლოდ დაუვიწყარი შთაბეჭდილება დატოვა ჩემში, არამედ გარკვეული გულისტკივილიც, ვინაიდან ჰოლანდიური უტრეხტის ქალაქელობა მომინდა იმ განცხადებითა და სულისკვეთებით, რამაც ვახტანგის ყურადღება მიიპყრო ეგრერიგად.

## „მეგობრობა ვხად და ხიდად...“

### უკრაინის დღეში საქართველოში

საქართველოსა და უკრაინას შორის ურთიერთობა დიდი ხნის წინ, ჯერ კიდევ XII საუკუნეში იღებს სათავეს, მაგრამ XIX საუკუნის უკანასკნელ ათწლეულში უკრაინა უფრო ახლოს ეცნობა ქართულ ხელოვნებას. თავის მხრივ უმაღლესი განათლების მისაღებად ახალგაზრდობა სულ უფრო ხშირად მიემგზავრებოდა საუნივერსიტეტო ქალაქებში – ხარკოვში, კიევიში, ოდესაში.

განსაკუთრებით მნიშვნელოვანია უკრაინის თეატრისა და დრამატურგიის შემოღწევა საქართველოში. 1845 წელს თბილისში დაარსდა რუსული თეატრი და სტავროპოლიდან მოწვეულ იქნა პროფესიული თეატრალური ჯგუფის ხელმძღვანელი გ. პ. იაცენკო. თბილისში დაიდგა უკრაინული პიესები: „მელმენკო-დენშიჩიკი“, „მაჭანკლობა გონჩაროვიკაში“ და სხვ. სულ მალე საქართველოსთან დაკავშირებული უკრაინული სასცენო ხელოვნების წარმომადგენელთა რიგები შეივსო გამოჩენილი პიროვნებებით. ესენი იყვნენ: მ. კროპივნიცი, მ. სტარიცი, ი. კარპენ-

კო-კარი და სხვ.

ახალ საფეხურზე ადის ქართულ-უკრაინული ლიტერატურული კავშირებიც. თუ ჯერ კიდევ XVII საუკუნეში გადმოთარგმნილი იყო კიევის აკადემიის ფუნდამენტის პეტრე მოგილის ცნობილი „აღსარება“, ხოლო XVIII საუკუნეში – დიმიტრი ტუშტალოს თხზულებები, XIX საუკუნეში საქართველოში უკვე ცნობილია ი. კოტილიაროვსკისა და ტ. შევჩენკოს სახელები, რომლის ნაწარმოებები ქართულ ენაზე დაიბეჭდა 1877 წელს ((პოემა „ნაიმიჩკა“, თარგმანი ნიკო ლომოურისა).

ერთმანეთს პირადად ხვდებიან ტარას შევჩენკო და აკაკი წერეთელი. ქართველ და უკრაინელ ხალხთა ძმობის ისტორიაში აკაკი წერეთელი სამუდამოდ დარჩა ერთობისა და ძმობის სიმბოლოდ.

განსაკუთრებული ადგილი უჭირავს დავით გურამიშვილის ცხოვრებასა და მოღვაწეობას. პოეტი, რომელმაც ენით აუნერგელი ტანჯვა გამოიარა, მონაწილეობა მიიღო შვიდწლიან ომში, თურქებთან, შვედებთან ბრძოლებში, 1760

წელს მკვიდრდება უკრაინაში, მიგრირდება და ზუბოვკაში და აქტიურად ერთვება უკრაინის საზოგადოებრივ და ლიტერატურულ ცხოვრებაში. დავით გურამიშვილის ხსოვნა დღესაც ცოცხლობს უკრაინაში.

არ შეიძლება არ აღვნიშნოთ ილია ჭავჭავაძის განსაკუთრებული ყურადღება ქართულ-უკრაინული ურთიერთობების მიმართ. უკრაინის საზოგადოებრიობა მაღალ შეფასებას აძლევდა ილია ჭავჭავაძის შემოქმედებასა და საზოგადოებრივ მოღვაწეობას. უკვე XIX საუკუნეში აჟღერდა უკრაინულ ენაზე პატრიოტული სულისკვეთებით გაჟღერებული მისი ნაწარმოებები. ილია ჭავჭავაძის ცხოვრება გასხივოსნებული იყო მომხმე ხალხებს შორის მეგობრობის იდეალებით. ამასვე ქადაგებდა იგი სიცოცხლის უკანასკნელ დღეებამდე.

შეუძლებელია არ ვახსენოთ თუნდაც ამ მცირე შენიშვნაში ლეკია უკრაინკას სახელი, რომელიც ცხოვრობდა და აღესრულა საქართველოში. ქართულ-უკრაინული კავშირები არც XX და არც

(გაგრძელება მე-5 გვ.)



„მეგობრობა ვხად და ხიდად...“

უკრაინის დღეები საქართველოში

(დასაწყისი მე-4 გვ.)

ახლა, XXI საუკუნეში შესუსტებულა. სისტემური ხასიათი მიიღო „უკრაინის კულტურის დღეებმა საქართველოში“ და „საქართველოს დღეებმა უკრაინაში“. და ამჯერად თბილისელ მოქალაქეებთან ერთად უკრაინელ მეგობრებს ტაშს უკრავენ აფხაზეთის მკვიდრნიც, რომელთათვისაც უკრაინა და უკრაინელები ჭეშმარიტ ძმებად, დამხმარეებად და აფხაზეთის ომის მძიმე დღეებში მხსნელებად იქცნენ.

2008 წლის 28 მარტს ზაქარია ფალიაშვილის სახელობის თბილისის ოპერისა და ბალეტის სახელმწიფო აკადემიურ თეატრში მოენყო საქართველოში უკრაინის წლის დახურვისადმი მიძღვნილ ღონისძიებათა დასკვნითი კონცერტი. მასში მონაწილეობდა ივანო-ფრანკოვსკის საოლქო ფილარმონიის სიმღერისა და ცეკვის გუცულური სახელმწიფო აკადემიური ანსამბლი (სამხატვრო ხელმძღვანელი და მთავარი დირიჟორი უკრაინის სახალხო არტისტი პეტრე კნიაზევიჩი).

საქართველოში უკრაინის საელჩო და თბილისის ზაქარია ფალიაშვილის სახელობის საოპერო თეატრის დირექციამ აფხაზეთის სულიერებისა და

კულტურის ცენტრს გადასცა მოსაწვევები, რამაც საშუალება მოგვცა კომპაქტურად განსახლებულ დევნილთათვის უკრაინული ხელოვნება გაგვეცნო.

**შორენა განერელია, ეკონომისტი:**

– მოხარული ვარ, რომ საქართველოში ჩატარდა უკრაინული დღეებისადმი მიძღვნილი კონცერტი. მისასაღმებელია ამ ორ ქვეყანას შორის დამყარებული მეგობრული ურთიერთობა. ჩემის აზრით, ძალიან კარგი იყო ის, რომ უკრაინის კულტურის დღეების დახურვისადმი მიძღვნილი კონცერტი გაიმართა ზაქარია ფალიაშვილის სახელობის ოპერისა და ბალეტის თეატრში.

ჩემზე ამ კონცერტმა დიდი შთაბეჭდილება მოახდინა. უკრაინული ფოლკლორი თავისი რიტმულობით იმდენად დადებითად მოქმედებს, რომ ძნელია სრულად გადმოსცე ის სიამოვნება, რომელიც მივიღე კონცერტზე. თითოეული სიმღერა თუ საცეკვაო ნომერი მაღალ პროფესიულ დონეზე იყო შესრულებული, და რაც მთავარია, იგრძნობოდა ის სითბო, რომლითაც უკრაინელი არტისტები „ქართველ მეგობრებს“ უძღვნიდნენ მათ.

იმედი მაქვს, რომ უკრაინული დღეები საქართველოში ყოველწლიურად

გაიმართება და ქართველ მაყურებელს ყოველთვის ექნება იმის შესაძლებლობა, დატკბეს ამ ულამაზესი სანახაობით.

ვუსურვებდი საქართველოს იმეგობროს არა მარტო უკრაინასთან, არამედ სხვა ქვეყნებთანაც, და ეს მეგობრობა იყოს არა მარტო პოლიტიკური კუთხით, არამედ მოიცავდეს კულტურულ ღონისძიებებსაც. ჩვენს სულს ხომ ასე ძალიან სწყურია ის სილამაზე და ჰანგების სიტკბო, რასაც ჭეშმარიტი ხელოვნება ჰქვია.

**ავთანდილ ქარაია, იურისტი:**

– უდიდესი შთაბეჭდილება დატოვა ჩემზე საქართველოში უკრაინის წლის დახურვისადმი მიძღვნილმა კონცერტმა. ივანო-ფრანკოვსკის სიმღერისა და ცეკვის გუცულურმა სახელმწიფო ანსამბლმა უკრაინული ფოლკლორის მთელი მრავალფეროვნება წარმოაჩინა. ორი საათის განმავლობაში საოცარ სამყაროში ვიმყოფებოდი, მოშორებულნი ყოველდღიურ საფიქრალ-საზოგადოებრივ ურუნავს. დიდი მადლობა აფხაზეთის სულიერებისა და კულტურის ცენტრს ამ სიამოვნების მონიჭებისათვის.

დაე, მარად იცოცხლოს უკრაინელი და ქართველი ხალხის ურღვევმა მეგობრობამ.

ახალი წელი ახიბიულად

31 მარტიდან 1 აპრილის ღამეს ასირიელები ახალი წლის დადგომას ზეიმობენ. მათი წელთაღრიცხვით 6758 წელი დადგა. ამ დღესასწაულმა შეკრიბა ქვეყანაში ცნობილი ასირიელები და მათი მეგობრები, რომელთა შორისაც, ჩვენდა გასახარად, სულიერებისა და კულტურის ცენტრის თავმჯდომარე და თანამშრომლები აღმოჩნდნენ.

ოღითგანვე საქართველო განთქმული იყო თავისი სტუმართმოყვარეობითა და იმ ადამიანებისადმი თანაგრძნობით, რომლებიც უმძიმესი განსაცდელის – მშობლიური მიწის, სახლის, კერის დაკარგვის წინაშე აღმოჩნდებოდნენ ხოლმე. ოდესღაც დაცემული ასირიის მკვიდრები მთელ მსოფლიოში გაიფანტნენ. მათი ნაწილი საქართველოში დამკვიდრდა. ათასწლეულები გავიდა, მაგრამ ასირიელთა გულში დაკარგული სინმინდებების, რწმენის, ტრადიციების, ეროვნული ფოლკლორისადმი სიყვარული არ განელებულა. 1999 წელს საქართველოს მართლმადიდებელ ასირიელთა საზოგადოებასთან შეიქმნა ქალთა ცეკვის ანსამბლი „ნინევი“ (ნინევი – ასირიის უძველესი დედაქალაქია), რომელმაც შეისისხლხორცა

იმავე სახელწოდებით ადრე არსებული ანსამბლის საუკეთესო ტრადიციები. მისი ხელმძღვანელი გახდა მშვენიერი ასირიელი ქალბატონი ლუდმილა ბით-კამი. მას შემდეგ ამ ანსამბლთან, რომელიც მუდმივად მონაწილეობს მნიშვნელოვან საზოგადოებრივ ღონისძიებებში და გასტროლებით მოვლილი აქვს რუსეთის ფედერაცია, სომხეთი, ირანი, ჩვენი მეგობრობა გრძელდება.

ახლახან უწმიდესისა და უნეტარესის, სრულიად საქართველოს კათოლიკოს-პატრიარქის ილია II აღსაყდრების 30 წლისთავისადმი მიძღვნილ საღამო-კონცერტზე ანსამბლმა „ნინევიამ“ წარმატებით წარმოაჩინა თავისი შესაძლებლობები, თავისი ერთგულება ქრისტიანული მრწამსისადმი, თავისი მადლიერება კათოლიკოს-პატრიარქისადმი თანადგო-



მის, დახმარების, ასირიელთა პრობლემებისადმი ყურადღებისათვის.

სიკეთესა და ბედნიერებას ვუსურვებთ საქართველოში მცხოვრებ ასირიელებსა და მთელ ასირიელ ხალხს. დაე, განმტკიცდეს მეგობრობა და ურთიერთგაგება საქართველოს ყველა ეროვნების მოქალაქეს შორის ჩვენი საერთო სამშობლოს – საქართველოს საკეთილდღეოდ.



# თბილისის სამხრეთი თეატრი დღევანდელს ეხმარება

ოპერის თეატრის გენერალურმა დირექტორმა დავით საყვარელიძემ დააკმაყოფილა სულიერებისა და კულტურის ცენტრის შუამდგომლობა და 29-30 მარტს სპექტალებზე „რიგოლეტო“ და „ატილა“ აფხაზეთიდან დევნილთათვის უსასყიდლოდ გამოყო 40-40 ბილეთი. ისინი დიდი ერთუბიანებით შეზღვენენ ჩვენს მოწვევას, სპექტაკლების შემდეგ რამდენიმე მათგანმა შთაბეჭდილება გაგვიზიარა:

**ხატია ხარებავა, სოსუმის სახელმწიფო მოხარდ მაყურებელთა თეატრ „თეთრი ტალღას“ მსახიობი:**

– გამოვტყდები, ოპერა არ მიყვარდა და არ მეგონა, რომ ოპერის მოსმენისას თვალეზზე ცრემლი მომადგებოდა. „რიგოლეტომ“ მართლაც რომ დაუვიწყარი შთაბეჭდილება მოახდინა ჩემზე. ჯერ მარტო ასეთ თეატრში შესვლა რად ღირს! მის ლამაზ დარბაზში მუსიკის ჰანგები კიდევ უფრო მომაჯადოებლად ჟღერენ. სცენაზე თვალწარმატაცი სანახაობა ვიხილე – ფერადოვანი კოსტიუმები, დეკორაციები, ორკესტრი, დირიჟორი – ყველაფერი ეს უდიდეს ზემოქმედებით ძალას წარმოადგენს. ყველაზე მეტად მომეწონა მარინე ფარულავა და ელდარ გეჭაძე ჯილდას სიკვდილისა და მამის დატირების სცენაში. ერთდროულად ითამაშო, იძღერო და იგრძნო! ეს მართლაც საოცრება!

**ნინო ჯეჯეია, ეკონომისტი:**

– აფხაზეთის სულიერებისა და კულტურის ცენტრის მოწვევით დავესწარი ოპერა „რიგოლეტოს“. უდიდესი შთაბეჭდილება მოახდინა ჩემზე დიდებული ვერდის უკვდავმა მუსიკამ და ქართველ მსახიობთა შესანიშნავმა შესრულებამ. ვისურვებდი, უფრო ხშირად ჩატარებულიყო მსგავსი ღონისძიებები, რომლებიც სიხარულს, სიცოცხლის ხალისს მოგვანიჭებს დევნილ იოჯახებს. უღრმესი მადლობა მოწვევის ორგანიზატორებს.

**თამთა სართანია, აბიტურიენტი:**

– თავდაპირველად ვფიქრობდი, რომ ოპერაში წასვლის სურვილი არასოდეს გამიჩნდებოდა, მაგრამ აფხაზეთის სულიერებისა და კულტურის ცენტრის მოწვევით დეიდამ „რიგოლეტოზე“ წამიყვანა. მეგონა, მოვისმენდი და ჩემს აზრებს უფრო განვაძტკიცებდი, მაგრამ სრულიად საპირისპირო რამ მოხდა: თეატრში



რიგოლეტო – ელდარ გეჭაძე

შესულს სულ სხვაგვარი გრძობა დამეუფლა, მერე კი საოცარი ჰანგების მოსმენამ ისე გამიტაცა, აღარც კი მახსოვდა, სად ვიმყოფებოდი. ეს საოცარი სამყარო იყო – ლამაზი, აღმაფრთოვანებული, სევდიანიც, მაგრამ დიდებული. გამოფხიზლება არ მინდოდა. ჩემს ბედნიერებას საზღვარი არ ჰქონდა, როცა მეორე დღეს, ჩემი ასეთი აფორიაქების მნახველებმა, კვლავ მომცეს საშუალება ერთხელ კიდევ განმეცადა ყოველივე და ახლა ვერდის „ატილაზე“ წამიყვანეს. რა კარგი შემსრულებლები გვყოლია!

დიდი მადლობა აფხაზეთის სულიერებისა და კულტურის ცენტრს, ყველა იმ ადამიანს, ვინც ჩვენი ცხოვრების შელამაზებას ცდილობს და ასერიგად ზრუნავს ჩვენი სულიერი სამყაროს გამდიდრებაზე.

## სუყური ცხოვრების კვალი კვალი...

2007 წლის მაისში აფხაზეთის სულიერებისა და კულტურის ცენტრს, რომელიც ახალ ბინაში გადავიდა, ცხუმ-აფხაზეთის მიტროპოლიტი დანიელი (დათუაშვილი) და მონაზონი ელენე (ნაფეტვარიძე) ეწვივნენ. მასპინძლის როლში ცენტრის სხვა თანამშრომლებთან ერთად ამადლებს ტაძრის დეკანოზი ბიძინა (გუნია) იყო. კურთხევის შემდეგ მეუფე დანიელი დაინტერესდა იმ სამომავლო ღონისძიებებით, რომელთა განხორციელებასაც ცენტრი გეგმავდა. დედა ელენემ გამოთქვა აზრი, რომ კარგი იქნებოდა, ცენტრის საქმიანობა საინფორმაციო ბიულეტენში გაშუქებულიყო, რომელიც, ამავდროულად, დევნილ საზოგადოებას რელიგიური ხასიათის იმ მასალასაც მიაწვდიდა, რაც აუცილებელია ყველა ჭეშმარიტი მორწმუნისათვის.

იდეა მოგვეწონა, მაგრამ, ვინაიდან ცენტრის ბიუჯეტში მისი გამოცემისათვის თანხა გათვალისწინებული არ იყო,

გადავწყვიტეთ, საკუთარი ძალებით მოგვეგვარებინა ეს პრობლემა. და აი, 2007 წლის ივლისიდან დაიწყო საინფორმაციო ბიულეტენის გამოცემა (თუმცა, არა სტამბური წესით). თავად ვბეჭდავდით და ვამრავლებდით, მაგრამ, მიუხედავად ასეთი პრიმიტიული სახისა, მან მოწონება დაიმსახურა. ყველა ინტერესით ელოდა მომდევნო ნომერს.

2008 წლიდან აფხაზეთის მთავრობის მხარდაჭერით გამოიქმნა სახსრები ბიულეტენის სტამბური წესით გამოცემისათვის და თებერვლიდან იგი მეთხველს უფრო მრავალფეროვანი სახით წარუდგა.

**მზია კაკულია, ექიმი:**

– მოხარული ვარ, რომ დღესდღეობით არსებობს აფხაზეთის სულიერებისა და კულტურის ცენტრი. მინდა მადლობა გადავუხადო ამ ცენტრის დამაარსებლებს, ცენტრის თანამშრომლებს იმ ღონისძიებებისათვის, რომელთაც ხშირად ვესწრები,

სავეე იმისათვის, რომ გამოიცემა ყოველთვიური ბიულეტენი.

მიხარია, რომ აფხაზეთის მოშორებული, ეს ცენტრი მაინც არ კარგავს აფხაზეთს. ამის დასტურია ბიულეტენის ბოლო ნომერში დიმიტრი გულიასადმი მიძღვნილი სტატია.

ყველაზე მნიშვნელოვანი კი ის არის, რომ ბიულეტენის ყველა ნომერში არის ის მასალა, რაც ასე სჭირდება ჩვენს სულს – ინფორმაცია საეკლესიო დღესასწაულებზე, წმინდანთა ცხოვრება და, რაც ძალიან მნიშვნელოვანი და საჭიროა ჩვენითვის, მოძღვრის რჩევები.

**იზა გუჯეჯიანი, საქართველოს ხელოვნების მუშაკთა პროფესიული კავშირების აფხაზეთის საოლქო საბჭოს თავმჯდომარე:**

– აფხაზეთის სულიერებისა და კულ-

(გაგრძელება მე-7 გვ.)



# სუციური ცხოვრების კვალდაკვალ...

(დასაწყისი მე-6 გვ.)

ტურის ცენტრის ყოველთვიური საინფორმაციო ბიულეტენი არის სარკე იმ საინტერესო და მრავალფეროვანი მუშაობისა, რომელსაც ეს ორგანიზაცია ატარებს. დიდი ინტერესით ვკითხულობ წმინდანების ისტორიას, რომლის ცოდნაც მნიშვნელოვანი და აუცილებელია თითოეული ქრისტიანისათვის. ასევე საინტერესოა ჩვენი სულიერი მოძღვრის მამა ბიძინას პასუხები იმ კითხვებზე, რომელიც თითოეულ ჩვენგანს ებადება.

მოძონს ბიულეტენის გაფორმება.

წარმატებებს ვუსურვებ სულიერებისა და კულტურის ცენტრის თანამშრომლებს შემდგომ საქმიანობაში.

### ვენერა რურუა, ჟურნალისტი:

– ერთი წელიც არ არის გასული, რაც დღის სინათლეზე „ბიულეტენის“ პირველი, მორძალებული, ცისფერი ზონარით შეკრული, კუსტარული, მაგრამ დიდი მონდომებითა და სიყვარულით „შეკონსერვებული“ ნომერი გამოვიდა... მას შემდეგ მის ყველა ნომერს გულდასმით ვკითხულობ და სათუთად ვინახავ არა მხოლოდ მასში დაბეჭდილი მასალებისა და სიწმინდეების გამო. „ბიულეტენს“ ჩემთვის, როგორც ჟურნალისტიკისათვის, სხვა დატვირთვაც აქვს – იგი აფხაზეთის საინფორმაციო-საგამომცემლო ისტორიაში ის პირველი მერცხალია, რომელმაც ჩვენი მძიმე ხვედრით გათანგული მრავალწლიანი დევნილობის სინამდვილეში სულიერი

გაზაფხული უნდა მოიყვანოს, ჩვენივე ურწმუნოების გამო თავს დამტყდარი უბედურებისა თუ ქართველთა და აფხაზთა საერთო ქრისტიანულ საწყისებში ჩაგვახედოს, ურთიერთნდობა და სიყვარული, ურთიერთპატივისცემა და ერთმანეთის დღეგრძელობისათვის ლოცვა გვასწავლოს.



ღვთის შეწევით, „ბიულეტენი“ სულ უფრო და უფრო სრულყოფილ სახეს იღებს – ამჯერად იგი ფერადსურათოვანია და სტამბურადაც იბეჭდება. მადლობა ყველას, ვინც მის შექმნაში მონაწილეობს. როგორც რიგით მკითხველს, დიდი სურვილი მაქვს, წმინდა მამების შეგონებების, ჩვენი დღევანდელი სულიერი და კულტურული ცხოვრების ამსახველი ინფორმაციების კვლადაკვალ, „ბიულეტენ-

მა“ გამაცნოს იმ დევნილ ბერ-მონაზონთა ცხოვრებაც, რომელთა რიცხვი დღითიდღე იზრდება და რომლებმაც უფლის გზა აფხაზეთში დამაბრუნებელი გზების ძიებაში იპოვეს.

### ეთერ თოლორდავა, აფხაზეთის მთავრობის აპარატის თანამშრომელი:

– აფხაზეთის სულიერებისა და კულტურის ცენტრის ყოველთვიური საინფორმაციო ბიულეტენი ემსახურება უდიდეს საქმეს – ფართოდ გაკუთვითებული უფალს. ვიაროთ იმ სულიერი ცხოვრების გზით, რითაც დადიოდნენ ჩვენი წინაპრები, აღვზარდოთ ღირსეული შვილები, საზოგადოებას გავაცნოთ ის ადამიანები, რომლებმაც, მიუხედავად ძნელებლობისა, ასახელეს ჩვენი ქვეყანა თავისი საქმიანობით, ქველმოქმედებით.

თითოეული ფურცელი გვასხენებს, რომ უდიდესი ტრადიციების მქონე ერი ვართ და ამ გლობალიზაციის ეპოქაში ჩვენი გენი მინც მოახერხებს შეინარჩუნოს თვითმყოფადობა.

მადლობა თქვენს უნიჭიერეს კოლექტივს, რომელიც მეუფე დანიელის ლოცვა-კურთხევით უდიდეს ქართულ საქმეს აკეთებს და ასე ლამაზად აღვივებს ჩვენს გულში იმ ტრადიციებისა და სულიერების ერთგულებას, რომელზედაც საუკუნეების მანძილზე იდგა, დგას და იდგება ქართული სახელმწიფოებრიობა. მადლობა ქალბატონ სვეტლანა ქეტას, რომელიც ჭკუშმარტი მგალითია ქართველი და აფხაზი ხალხის ურღვევი, საუკუნოვანი სიყვარულისა.

## ჩვენზე უჩვეულო

სოხუმის კერძო რადიოსადგურ „Soma-ს“ მონაწილეობით და ბრიტანეთის არაკომერციული ორგანიზაცია „შერიგების რუსურების“ მხარდაჭერით გამოიცა 2008 წლის კალენდარი „ერთი ქალაქის მხატვრები“.

კალენდარში წარმოდგენილია 12 სოხუმელი მხატვრის: ახრა აჯინჯალის, გიორგი ბარონინის, მადინა ბიგავას, შაქრო ბოუჩაგას, ბესლან ლასურის, გოგი ლანარაშვილის, გენადი ლაკობას, რაეილია მუხამედგალიევას, ლადო ფოჩხუას, ელდარ ქავშაბაას, ადგურ ძიძარასა და ბათალ ჯოპუას თითო ნაწარმოები. ისინი დღეს მსოფლიოს სხვადასხვა ქვეყანაში ცხოვრობენ, მაგრამ სოხუმი იყო და რჩება მათი შემოქმედების შთაგონების მთავარ წყაროდ.

### ქლდარ ქავშაბაია:

– როცა ჩემს ქალაქზე ვფიქრობ, წარმომიდგენია თბილი, მზიანი დღე... მივიდვარ სანაპიროზე. ჩაუვლი თეატრს... ვუახლოვდები ნავმისადგომს. აქ ქოლგების ქვეშ დგანან სოხუმელები და სვამენ ყავას... თურქული ყავისა და მარილიანი ზღვის წყლის არომატით გაჯერებული ჰაერი... ვდგავარ მისადგომთან და პურის ნამცეცხვს ვისვრი ჰაერში... თოლიები გუნდ-გუნდად აფრინდებიან... ჩინური იასამნის ნაზი, ტკბილი არომატი... გარშემო ყველაფერი ყვავის... ოლეანდრები... პორტუენიები... პალმები...

მასსოვს თუ არა სოხუმი? განა შეიძლება დაივიწყო დედა ან მამა, მამა ან და? სოხუმი – ჩემი ცხოვრების ნაწილია, ყველაზე ნათელი, ლამაზი, დატვირთული, ორად გაყოფილი ცხოვრებისა – ომამდე და ომის შემდეგ. მეგობრები და ნათესავები რომ ვეფრებივით, – რაღაცას ვყვებით, ყოველთვის ასე ვიწყებთ: ეს იყო იქამდე... ან შემდგომ...

სოხუმი განსხვავდება სხვა ქალაქებისაგან. ეს იყო ინტერნაციონალური ქალაქი, სადაც ძირითადად ერთმანეთთან რუსულ ენაზე ვურთიერთობდით, მაგრამ ეს არ იყო რუსული, რომელზედაც რუსები ლაპარაკობენ. ეს იყო რაღაც უცნაური სლენგი: რუსული – აფხაზურის, ქართულის, მეგრულის, ბერძნულის ნაზავით... სოხუმისაგან მოშორებით, ყოფილი საბჭოთა კავშირის ქალაქებში, საუბრით ადვილად გამოვარჩევდი სოხუმელს.

ომმა ყველა შეგვცვალა, მათ შორის მეც; ის, რაც ომამდე მნიშვნელოვნად მეჩვენებოდა, დღეს ჩემთვის სასაცილოა. დღეს ჩემს მოგონებებში ცოცხლობს ომამდელი სოხუმი. ამიტომ ვხატავ სანაპიროებს დახურული ქოლგებით, ცარიელი ქუჩებით, სადაც არ ისმის სიცილი და სოხუმური სლენგი.

მე ოპტიმისტი ვარ. მეჯერა, ოდესმე სოხუმი ისევ ისეთი ინტერნაციონალური გახდება, მაგრამ ეს უკვე სხვა ქალაქი იქნება. დღემთა ქნას, მას ბედი მეტად სწყალობდეს, ვიდრე ჩემს სოხუმს, რომელიც მარად ჩემთანაა.

# საკლესიო კალენდარი

- 2 მაისი (პარ.) – „წყარო ცხოვრებისა“ წოდებული ღმრთისმშობლის ხატის დღესასწაული
- 4 მაისი – თომას კვირა – კვირაცხოვლობა – (არტოსის პურის დარიგება მორწმუნეთათვის)
- 6 მაისი (სამშ.) – გიორგობა (ხსენება ნმიდისა დიდებულისა, დიდისა მონამისა, ძლევამომოსილისა და საკვირველთმოქმედისა გიორგისა, 303 წ.)
- 8 მაისი (ხუთშ.) – ხსენება წმ. მოციქულისა და მახარებელისა მარკოზისა
- 11 მაისი – მენელსაცხებლე დედათა კვირა. კეთილმორწმუნე ქართველთა მეფის წმ. თამარის ხსენება (1213 წ.)
- 12 მაისი (ორშ.) – ხსენება ნმიდისა და ყოვლადქებულისა მოციქულისა ანდრია პირველწოდებულისა (საქართველოში ქრისტეს პირველმქადაგებელისა)
- 13 მაისი (სამშ.) – ხსენება მოციქულ იაკობ ზებედეის – წმ. იოანე ღმრთისმეტყველის ძმისა (44 წ.)
- ხსენება წმ. ეგნატე ბრიანჩანინოვისა
- 14 მაისი (ოთხშ.) – ხსენება კეთილმორწმუნე ქართველთა მეფისა წმ. თამარისა
- 15 მაისი (ხუთშ.) – ხსენება წმ. ათანასე დიდისა, ალექსანდრიელ მთავარეპისკოპოსისა
- 18 მაისი (კვ.) – ხსენება დიდმონაგმე ირინესი – დღესასწაული ღმრთისმშობლის ხატისა „ბარძიმი შეუსმელი“
- 20 მაისი (სამშ.) – ხსენება სასწაულისა პატიოსნისა ჯვარისა, რომელი გამოცხადდა ცასა შინა იერუსალიმს (351 წ.)
- ხსენება ღირსისა იოანე ზედაზნელისა და ათორმეტთა მონაფეთა მისთა
- 21 მაისი (ოთხშ.) – ხსენება წმ. მოციქულისა და მახარებელისა იოანე ღმრთისმეტყველისა (98-117 წ.წ.)
- 22 მაისი (ხუთშ.) – ნიკოლოზობა (ალმოყვანება ნანილებისა წმ. ნიკოლოზ საკვირველთმოქმედისა მირონ-ლუკიიდან ბარში, 1087 წ.)
- 23 მაისი (პარ.) – ხსენება მოციქულ სვიმეონ მოშურნისა
- 31 მაისი (შაბ.) – შვიდი მსოფლიო კრების წმ. მამათა ხსენება

## ენების შეიდეული

დიდმარხვის პერიოდი განსაკუთრებული დროა თითოეული მართლმადიდებელი ქრისტიანის ცხოვრებაში. ეს არის დრო საკუთარი თავის უკეთ შეცნობისა, დრო სინანულისა და ცოდვებისაგან განწმენდისა, დრო ღოცვისა და მარხვისა, ქველმოქმედებისა თუ სხვა სათნოებათა აღსრულებისა.

დიდი მარხვა საპასეჟო წლის მესამე, ბოლო პერიოდს მიეკუთვნება და იგი პირობითად სამ ქვეპერიოდად იყოფა. I პერიოდი – დიდი მარხვის მოსამზადებელი პერიოდი, ოთხ კვირა დღეს და სამ შეიდეულს მოიცავს. იგი მეზვერისა და ფარისევლის კვირის მსახურებით იწყება და ყველიერის კვირით სრულდება. II პერიოდი, ანუ საკუთრივ დიდი მარხვის (ძირითადი) პერიოდი, ექვს კვირა დღეს მოიცავს და ბზობის კვირით მთავრდება. III პერიოდი კი ენების შეიდეული გახლავთ.

აღდგომის ბრწყინვალე დღესასწაულის წინა ბოლო შეიდეული, მაცხოვრის ამქვეყნიური ცხოვრების უკანასკნელი დღეების გახსენებას ეძღვნება: საიდუმლო სერობას, მის გაცემას, პილატეს სამსჯავროს, ჯვარზე ენებას, სიკვდილსა და საფლავად დაღებას, რის გამოც ეს შეიდეული ენების შეიდეულად იწოდება.

ამ შეიდეულის ყოველ დღეს, წმიდა ეკლესია განსაკუთრებული მსახურებების აღსრულებით ცდილობს მოამზადოს მლოცველები მაცხოვრის ბრწყინვალე აღდგომის სათანადოდ შესახვედრად, რათა თითოეული მორწმუნე უფლის დიდების,

(ამ დღესასწაულით გამოწვეული) განუზომელი სიხარულის, ადამიანთა ხსნის საღმრთო განგებულების თანაზიარი გახდეს.

ენების შეიდეულის პირველ სამ დღეს (ორშაბათს, სამშაბათსა და ოთხშაბათს) ოთხივე სახარება იკითხება ღვთისმსახურებისას, რათა თითოეული განიმსჭვალოს სახარებისეული სიბრძნით, რაც გახლავთ კიდევ ერთ-ერთი უცილობელი პირობა სულიერი გამოღვიძებისა, ფერისცვალების დაწყებისა, ადამიანთა განღმრთობისა. ამ დღეებში პირველშეწირულის ლიტურგია აღესრულება მორწმუნეთა ზიარებისათვის.

**დიდი ორშაბათის** ღვთისმსახურებისას დედა ეკლესია მოუწოდებს ყველა მორწმუნეს შეუგეს ქრისტეს, ჯვარს ეცვას მასთან ერთად, მოაკვდინოს ზორცი ამქვეყნიურ სიამეთათვის, რათა მარადჟამს უფალთან მყოფობდეს. ცისკრის ჟამზე მე-3 რიგის კანონის წაკითხვის შემდეგ, წმიდა ეკლესია მორწმუნეთა ყურადღებას მიაპყრობს წმ. იოანე ოქროპირის (IVს.) სწავლებას – „განხმელისათვის ლეღვისა“ და წმ. იოანე დამასკელის (VIIIს.) სიტყვას „იგავისათვის ვენახისა“ (იხ. მარხვანი, გვ. 488).

მორწმუნეთათვის განუთენილი ზემოსენებული სწავლება შეაგონებს თითოეულს, რათა უფალი გახდეს გამგებელი და მპყრობელი ადამიანთა გულებისა, რათა უფალმა დაივანოს ჩვენს გულებში და განწმინდოს იგი ყოველგვარი მწიკვლისაგან.



ამ დღეს ყურადღებას იპყრობს **სვინაქსარის** საკითხავიც, რომელიც საცისკრო კანონთა სამსაგალობლის I გალობის შემდეგ აღესრულება (იხ. მარხვანი, იქვე). აქ მლოცველთა გულისხმა მიემართება წმიდა იოსებისაკენ (პატრიარქ იაკობის შვილი რაქელისაგან), რომლის ცხოვრებაც წარმოჩენილია როგორც წინა სახე იესო ქრისტეს ენებისა (გაცემისა, ღალატისა და დამდაბლებისა).

ამ დღეს მორწმუნეთა გულისხმისყოფისათვის იკითხება **კონდაკი**:

– „**იოსების წარწყმელასა იგლოვდა მწარედ იაკობ, ხოლო მას დაედგეს ახოვნებისა შარავანდედნი, და მეფობდა** (გაგრძელება მე-9 გვ.)“



# ენების შედეგები

(დასაწყისი მე-8 გვ.)

ამისთვის, რამეთუ არა დაამონა გულის-  
თქმა თვისი მეძვისა ნებასა, და სამართლად  
იდიდა იგი გულთ მეცნიერისა ღვთისაგან,  
და მიეცა გვირგვინი უბრწელებისა“.

ლიდ სამშაბათის (ციცკრის ჟამ-  
ნზე, რიგის კანონთა წაკითხვის შემდეგ),  
იკითხება წმ. იოანე ოქროპირის 77-ე  
სიტყვა მათეს სახარების 24-ე თავის 32  
და 33 მუხლების შესახებ. აქ საუბარია  
სულიერ ზაფხულზე, ანუ იმ მდგომარეო-  
ბაზე, რომელიც დადგება ჭეშმარიტ მორ-  
წმუნეთათვის მეორედ მოსვლის შემდეგ,  
როცა ჩაივლის საწუთრო – „ცოდვის  
ზამთარი“.

ამ დღესვე იკითხება სვინაქსარი, რო-  
მელიც გვახსენებს იგავს ათ ქალწულზე,  
რათა ვისწავლოთ სულიერი სიფხიზლე  
და მზად ვიყოთ იმ მოულოდნელი წამის-  
თვის, როცა ... – „სიძე მოვალს შუა-  
ღამესა“.

III, VI და IX ჟამნებზე განიხიებუ-  
ლი სახარებების კითხვის დასრულების  
შემდეგ იკითხება წმ. იოანე ოქროპირის  
სიტყვა მოწყალებასა და (კვლავ) ათ  
ქალწულზე.

წმიდა ეკლესია მორწმუნეთა ყურადღ-  
ებას განსაკუთრებით ამახვილებს შემდეგ  
კონდაკზე:

„ჟამსა მას განსლვისასა ივსენებდი  
შენ, ზ სულო ჩემო, შეძრწუნდი მოკვე-  
თისა მისგან ლღვისა, და მოცემული  
შენდა ტალანტი, განამრავლე შრომი-  
თა და სიყვარულითა, საწყალობლო,  
იღვიძებ და ღმობიერად უღადადებდ:  
ქრისტე მრავალმოწყალო, ნუ განმაგ-  
დებ მე სასძლოსაგან შენისა“.

ლიდ ოთხშაბათის ეკლესია იხსენებს  
მაცხოვრის მიერ ბეთანიაში გატარებულ  
დღეს (მთ. 26, 6-17). აქ სიმონ კეთროვნის  
სახლში, მაშინ, როცა მღვდელმთავართა,  
მწიგნობართა და უხუცესთა საბჭოზე მი-  
ღებულ იქნა გადაწყვეტილება იესო ქრის-  
ტეს შეპყრობისა და მოკვდინებისა, ცოდ-  
ვილი დედაკაცი თავზე ნელსაცხებელს  
სცხებს მაცხოვარს, რითაც ერთგვარად  
განამზადებს მას დაფლვისათვის.

ამ დღეს მორწმუნეთა განსწავლისათ-  
ვის წმ. იოანე ოქროპირის მე-80 სიტყ-  
ვაც იკითხება მათეს სახარების 26-ე თა-  
ვის მე-6 მუხლის შესახებ. წმიდა მამა  
გემოდღვრავს განსაკუთრებით მოვერიდოთ  
სიძვისა და ვერცხლისმოყვარეობის დამ-  
ღუპველ ცოდვებს. მისი სწავლებით, ვნე-  
ბის თვისება არ არის მინავლდეს შემ-  
დგომად ხორციელი დაკმაყოფილებისა,  
არამედ პირიქით, შემდგომად წაიღიოს  
აღსრულებისა იგი უფრო მეტად მოიცავს

ცოდვილი ადამიანის სულს.

სვინაქსარში გადმოცემულია აზრი,  
მარად გვახსოვდეს ცოდვილი დედაკაცის  
კეთილგონიერი საქციელი, როგორც ამას  
მათეს სახარების 26-ე თავის მე-13 მუხლი  
გვამცნებს: – „ამენ გეტყვ თქუნ: სადა-  
ცა იქადაგოს სახარებაჲ ესე ყოველსა  
სოფელსა, ითქუმოდის რომელიცა-ესე  
ყო მაგან საჯსენებელად მაგისა“.

ამ დღეს ასეთ კონდაკს სთავაზობს  
მორწმუნეებს დედა ეკლესია:

– „ესცოდე უმეტეს მეძვისა მის, სა-  
ხიერ, არა მაქუს ცრემლთა ნაკადული  
შეწირვად შენდა, არამედ ღუბილით შე-  
გივრდები, და სურვილით ამბორს უყოფ  
ფერხთა შენთა, და გვევდრები: მოტყევე-  
ბა ცოდვათა მომანიჭე, ვითარცა მეუფე-  
მან, და ბიწთა საქმეთა ჩუწნთაგან გან-  
მათავისუფლე, ვითარცა მაცხოვარმან“.

ლიდ ხუთშაბათის მსახურებაში,  
მოთხრობილია იმ მოვლენებზე, რომლე-  
ბიც წინ უსწრებდა მაცხოვრის ვნებას.  
კონკრეტულად: მოწაფეებთან ერთად ბო-  
ლო პასექის აღსრულება, ფეხთბანვა, ევ-  
ქარისტიის საიდუმლოს დაწესება და იუ-  
დას მიერ მაცხოვრის გაცემა.

წმიდა ეკლესია ამ დღეს გვთავაზობს  
საგალობლებს, რომელთა მეშვეობითაც  
ეჭვრეტ მაცხოვრის ამქვეყნიური ცხოვ-  
რების უკანასკნელ დღეებს, რათა გან-  
ვიმსჭვალეთ იმ განცდებითა და ტკივი-  
ლებით, რაც მაცხოვრის ვნებასთან არის  
დაკავშირებული. ამასთან, ვიცით რა, რომ  
ყოველივე კაცთა ცხონებისათვის აღეს-  
რულა, უფლისადმი განუზომელი სიყვარ-  
ულით აღივსოს ჩვენი გულები.

ციცკრის ჟამნზე საციცკრო კანონთა  
III გალობის შემდეგ წმიდა იოანე ოქრო-  
პირის სიტყვა იკითხება იუდას გამცემ-  
ლობაზე, რათა ყოვლითურთ განვეშორეთ  
იუდას საქციელს და იუდეველთა ბორგენე-  
ულ განზრახვებსა და ქმედებებს.

დიდ ხუთშაბათს საიდუმლო სერობის  
გასახსენებლად წმ. ბასილი დიდის ლი-  
ტურგია აღესრულება. ეკლესიური სწავ-  
ლებით ამ დღეს ყველა მორწმუნე უნდა  
ცდილობდეს ეზიაროს მაცხოვრის წმიდა  
ხორცსა და სისხლს, რათა მარადიული  
ცხოვრება დაიმკვიდროს ცათა სასუფე-  
ველში, როგორც ამას თვით უფალი გვამ-  
ცნებს: „და რომელი ჭამდეს ხორცსა  
ჩემსა და სუმიდეს სისხლსა ჩემსა, იგი  
ჩემთანა დადგრომილ არს, და მე მის  
თანა“ (ინ. 6, 56).

მლოცველთა გულისხმისყოფისათვის  
ამ დღეს მსახურებისას შემდეგი ტროპარ-  
კონდაკიც იკითხება:

ტროპარი: „რაჟამს დიდებულნი  
მოწაფენი საბანელსა მას სერობისა-

სა განათლდებოდეს, მაშინ უსჯულო  
იუდა ვეცხლის მოყვარებისა სენითა  
დაბნელდებოდა, და უსჯულოთა მსა-  
ჯულთა შენ, მართალსა მსაჯულსა,  
მიგცემდა. იხილეთ, ზ მორწმუნეო,  
ტრფიალი იგი ვეცხლისა, რომელ-  
მან მისთვის შიშთვილობა, ივლტოდე  
უძღებისა მისგან სულისა, რომელმან  
მოდღვარსა თვისსა ზედა ესე ვითარი  
იკადრა, არამედ რომელმან ყოველივე  
სიბრძნით განაგე, კაცთმოყვარე, დი-  
დება შენდა“.

კონდაკი: „მიიღო პური ველთა შინა  
განმცემელმან იუდა ველთაგან დამბა-  
დებელისათა, რომელმან ველთა შექ-  
მნა ადამი, და მერმე მანმარტნა, და  
მოიღო ფასი მოძღვრისა და ღვთისა  
მზაკვარმან, და არა შეიგონა, არამედ  
ევო უკურნებელად“.

ლიდ პარასკევის მთელი მსახურე-  
ბა მაცხოვრის ჯვარზე ვნების გახსენებას  
ეძღვნება და უდიდესი მწუხარებით არის  
განმსჭვალული.

ციცკრის ჟამნზე თორმეტი ვნების სა-  
ხარება იკითხება. ამასთან, დღის მსახურ-  
ების თითოეული ჟამნი ნათლად წარმოა-  
ჩენს მაცხოვრის ვნების სხვადასხვა სახეს,  
გეთსამანიის ბაღში სისხლით განზავებუ-  
ლი ოფლით დაწყებული, გოლგოთაზე მი-  
სი ჯვარზე აღსრულებით დამთავრებული.  
თითოეული საგალობელი თუ საკითხავი  
სინანულის ცრემლითაა აღსავსე, გულის  
შემძვრელია და ცოდვის შემწუსვრელი,  
ამავე დროს იმედის ჩამსახველიც.

დიდ პარასკევს, მაცხოვრის ვნებასთან  
დაკავშირებით, უსისხლო მსხვერპლშე-  
წირვა – წმიდა წირვა არ აღესრულება,  
ნიშნად იმისა, რომ თვით უფალი იყო  
უკანასკნელი სისხლიანი მსხვერპლი ადა-  
მიანთა სხნის საღმრთო განგებულების  
აღსრულებისას.

მწუხრის ჟამნის ბოლოს საკურთხევე-  
ლიდან შუა ტაძარში წმიდა გარდამოს-  
ნნას გამოაბრძანებენ, რომელსაც წინდა-  
წინ გამზადებულ ლუსკუმაზე დაასვენე-  
ბენ.

ამ დღეს მთელი გულის შემწუსვრილე-  
ბით ასე უნდა ვლოცულობდეთ:

ტროპარი: „მომივიდენ ჩუწნ წყე-  
ვისა მისგან ჰსჯულისა პატიონითა  
სისხლითა შენითა, ჯვარსა ზედა რა  
დაემსჭვალე, და ლაზვრითა განიგმი-  
რე, და უკუდავება აღმოუცენე კაცთა,  
მაცხოვარო ჩუწნო, დიდება შენდა“.

კონდაკი: „რომელი ჯუარს-ეცვა  
ჩუწნთუს, მოვედით ერნო, უგალობდეთ  
მას, იხილა იგი მარიამ ჯვარსა ზედა

(გავრძელება მე-10 გვ.)

# ენების შეიღებულ

(დასაწყისი მე-8 გვ.)

**და სთქვა: დაღაცა თუ ჯვარსა ზედა ვიხილე, შენ ხარ ძე ჩემი და ღმერთი ჩემი, ყოვლად ძლიერი, კაცთმოყვარე და მაცხოვარი“.**

დიდ შაბათს წმიდა ეკლესია იხსენებს მაცხოვრის საფლავად დადებას, ხორციელად საფლავში ყოფნას, ხოლო განდმრთობილი სულით კი ჯოჯოხეთში ჩასვლას და მართალთა სულების გამოხსნას, და მამასა და სულიწმიდასთან განუშორებლად თანამყოფობას, ასევე გვაზიარებს საოცარ მოლოდინს უდიდესი მოვლენისა – მაცხოვრის ბრწყინვალე აღდგომისა.

ამ დღეს საზეიმოდ იხატლებიან „ნათვლადგანმზადებულნი“, რომლებიც წმიდა ბასილი დიდის წირვაზე ეზიარებიან კიდევ.

აღსანიშნავია ის გარემოება, რომ დიდი შაბათის მსახურება გამშვენებულია ურთიერთსაპირისპირო სულიერ განცდა-

თა საოცარი გამოით: მწუხარებითა და სიხარულით, ცრემლითა და სულიერი აღმაფრენით, გულისტკივილითა და სულიერი გაციხროვნებით.

მსახურებაზე მორწმუნენი მთელ გულისყურს შემდეგი ტროპარებისკენაც მიმართავენ:

– „შეწიერმან იოსებ ძელისაგან გარდამოვსნა უზრწნელი გვამი შენი ქრისტე, და არმენაკითა წმიდითა წარგრაგნა, სუნნელებითა შემეურვილი, ახალსა საფლავსა დაგვდა“.

– „რაჟამს შთახედ საფლავად ცხოვრება ეგე უკუდავი, მაშინ ჯოჯოხეთი შეაძრწუნე ელვითა მით ღუთადარნი ქუცსკნელით აღმოიყვანენ, მაშინ ყოველნი ძალნი ცათანი დაღადებდნენ: ცხოვრების მომცემელი ქრისტე ღმერთო, დიდება შენდა“.

დიდი შაბათის მსახურების დასრულების შემდეგ, თითქოს მთელი სამყარო გაირინდაო, უდიდესი დღის – მაცხოვ-

რის აღდგომის მოლოდინში, მლოცველები მღუმარებით, მარხვითა და აღსარებით ემზადებიან ზეიმისათვის.

და ბოლოს, რათა აქაც და მარადიულ ცხოვრებაშიც თანაზიარნი გავხდეთ მაცხოვრის დიდებისა, სულის სარგო ჩვენთვის ერთი ტროპარის დასწავლაც იქნება:

– „აჰა ესერა სიძე მოვალს შუაღამესა, და ნეტარ არს მონა იგი, რომელი აბოვოს მღვიძარედ, ხოლო ვაჰ არს მონისა მის, რომელი აბოვოს უღებებით, იხილე სულთ ჩემო, და ნუ გრულის ძილისათვის, რათა არა გამოვარდე სასუფეველისაგან, არამედ აღიმსთვე შუაღამესა და ვობდი: წმიდა-ხარ, წმიდა-ხარ, წმიდა-ხარ, შენ ღმერთო ჩუცნო, ღვთისმშობელისა მიერ შევწყვალენ ჩუცნ“.

თბილისში, სოლოლაკში  
მღებარე ამაღლების  
ტაძრის წინამძღვარი  
დემანოზი ბიძინა (გუნიას)

## ჩვენი მოძღვარი

(კითხვა-პასუხი სულიერი ცხოვრების შესახებ)

– როგორ გავიგოთ მაცხოვრის სიტყვები: „მამით ნუვის ჰხადით ქვეყანასა ზედა, რამეთუ ერთი არს მამა თქუენი, რომელ არს თქუენი, რომელ არს ცათა შინა“ (მთ. 23. 9)?

– წმ. იოანე ოქროპირის სწავლებით, „ეს სიტყვები იმიტომ კი არ ითქვა, რომ არავის ვუწოდოთ მამაო, არამედ, რათა გულისხმა-ვეყოთ, თუ ვინ არის ჭეშმარიტი მამა. როგორც მრავალნი არიან მოძღვრებად სახელდებულნი, მაგრამ ჭეშმარიტი მოძღვარი არის ქრისტე, ასევე, თუმცა კაცთ მამა ეწოდება, მაგრამ მამა არაფერ არის, გარდა ღმერთისა, რომელიც მიხეზია ყოველთა მოძღვართა და მამათა“.

– რა თვისებები ახასიათებს გულფიცხელ ადამიანს?

– წმ. იოანე კიბისალმწერელის შეგონებით, „გულფიცხელი და უღმობელი უგუნური ფილოსოფოსია, მოძღვარია თვითდასჯილი, თავისი თავის საწინააღმდეგოდ მეტყველი, ბრმათა წინამძღვარი. თავად ვერ ხედავს და სხვებს ასწავლის ხედვას, წყლულების განკურნებაზე საუბრობს და საკუთარ თავს განუწყვეტლივ წყლავს. ვნებებს შეაჩვენებს და მაშინვე იქ მიიქცევა. პირით კეთილის ქმნას აღუთქვამს და საქმით ბოროტებას აღასრულებს“.

– რას გვეტყვით კვირა დღის შესახებ?

– წმ. თეოფილე ალექსანდრიელის მიხედვით, „ჩვეულებაცა და სამართალიც ითხოვს ჩვენგან ყოველი კვირა დღის პატივისცემასა და მის დღესასწაულობას, ვინაიდან ჩვენმა უფალმა იესო ქრისტემ ამ დღეს მოგემადლა ჩვენ მედრეთით აღდგომა. ამის გამო საღვთო წერილში ამ დღეს ეწოდება პირველი, როგორც ჩვენი ცხოვრების დასაწყისს, და მერვე, როგორც ურიების (იუდეველების) შაბათობაზე შეაღსრულს“.

– რისთვის შეიძლება მიატოვოს ადამიანი ღმერთმა?

– წმ. იოანე დამასკელის განმარტებით, „თუკი ღმერთი ადამიანს მიატოვებს, ეს ორგვარად ხდება: ერთია მხსნელი მითოვება, რომელიც შეაგონებს ადამიანს კვლავ ღმერთისაკენ მოიქცეს, მეორე კი – საბოლოო მითოვება და ღმერთისაგან სრულ მითოვებას გულისხმობს. მხსნელ, ანუ ადამიანის დამამოძღვრავ მითოვებას ღმერთი იმიტომ მიმართავს, რომ გამოსწოროს, იხსნას და განადიდოს ვნებული ადამიანი, ანდა მისი მეშვეობით სხვა ადამიანებსაც შთაუნერგოს საღმრთო მოშურნეობა და კეთილმსახურება, თავისი განდიდებისთვის განაწესოს ისინი. საბოლოო მითოვებით კი მაშინ სჯის ღმერთი ადამიანს, როცა ეს უკანასკნელი, მიუხედავად ღმერთის მხრივ ყოველი ძალისხმევისა მის სახსენებლად, კვლავაც შეუსმენელი, უგრძობელი და განუკურნავი რჩება“.

– როგორი ბოლო აქვს სხვათა ქონების მოხვეჭას?

– წმ. თეოფანე დაყუდებულის შეგონებით, „უსმართლობა, რომელიც ძალადობითა თუ ცბიერებით იხვეჭს სხვათა ქონებას, დროებით ზეიმობს. არსებობს თვალი, რომელიც ყოველივეს უმხერს. დაირღვევა უკანონობის ზღვარი და ღვთის სამართალიც არ დააყოვნებს. ასეა ცალკეული ადამიანებისათვის, ასეა მთელი ერისათვის“.

– ერთსა და იმავე ცოდვანე ერთნაირად მოეკითხებათ თუ არა პასუხი მართლმადიდებლებსა და სხვა სარწმუნოების აღმასრულებელთ?

– წმ. გრიგოლი პალამას სწავლებით, „არ უნდა დავივიწყოთ, რომ ჩვენ ბევრად მეტი პატივი გვხვდა წილად, რადგან ქრისტეანებად ვიწოდებით და ამდენად, ცოდვებისთვის პასუხსაც მეტს მოგვითხოვენ“.

თბილისის სასულიერო აკადემიისა  
და სემინარიის ლიტურგიის პედაგოგი  
დემანოზი ბიძინა (გუნიას)



# სსოპნა

მოვიდა გაზაფხული, მაგრამ დიდი სევდა მოუტანა ქართულ საზოგადოებას. წავიდა ამქვეყნიდან ორი უმშვენიერესი ქალბატონი, ორი დიდებული ხელოვანი, ორი ბურჯი ქართული კულტურისა – სოფიკო ჭიაურელი და ანა კალანდაძე. განუზომელია ტკივილი. მათ მარადიული ადგილი დაიმკვიდრეს მშობელი ხალხის გულელებში. მათი დიდი ნიჭიერებითა და სიყვარულით გაჯერებული შემოქმედება სცენიდან თუ წიგნის ფურცლებიდან მილიონებს სწვდებოდა, ცხოვრების ვზას უნათებდა, იმედითა და სიხარულით ავსებდა.

მსუბუქი იყოს მათთვის ქართული მიწა!

## „შენ ისე ღრმა ხარ, ქართულო ცაო...“



თვის ჩვეული თავმდაბლობითა და მოკრძალებით მოუსმინა აფხაზეთის მკვიდრ ნორჩ მკითხველებსა და მუსიკოსებს და დიდი მადლიერება გამოხატა უჩვეულო შეხვედრისათვის, აქ ხვდებოდა ქართველებს აფხაზეთიდან, სოხუმიდან. არ დაუშურებია დასალოცი სიტყვები მათთვის, ვისაც ასეთი მოულოდნელი ტკივილი დაატყდა თავს.

სოხუმის ალ. შერვაშიძის სახელობის სამხატვრო სასწავლებლის აღსაზრდელებმა საღამოს მანძილზე პოეტის პორტრეტები შექმნეს და ქალბატონ ანას მიართვეს.

დარბაზში ისეთი განწყობილება სუფევდა, რომ ამკარად იგრძნობოდა, რა ძლიერად სურდა ყველას ეს საღამო იქ, აფხაზეთში გამართულიყო. პოეტსა და მსმენელს შორის უხილავი ძაფები გაიბა, რომელსაც განყვეტა არ უნერია და სულებს მარადიული სითბოთი და სიყვარულით ასხივოსნებს.

ეს შეხვედრა უკანასკნელი აღმოჩნდა ჩვენთვის...

წავიდა ჩვენგან დიდი ქალბატონი და თავის უკვდავ შემოქმედებასთან ერთად იმ საღამოს დამსწრეთ დაგვიტოვა მეხსიერებაში ღრმად ჩაბეჭდილი სათუთი სახე პოეტისა ახალგაზრდულად გაბრწყინებული თვალებით, როდესაც საღამოს დასასრულს სვეტლანა ქეცბამ მოულოდნელად შეწყვიტა რუსულად საუბარი და ცრემლნარევი ხმით წაიკითხა:

„შენ ისე ღრმა ხარ, ქართულო ცაო,  
შენ ისე ღრმა ხარ...“

სამევიდრო შენს ქვეშ მტრად შემოსულმა  
ვერაჟინ ნახა:

ვერცა ოსმალომ, ვერცა მონლოლმა  
და ვერცა სწარსმა...

შენი დიდების მოძღვრალია  
ომეი და წარწმა...

ბებერი ტაო...

შენ ისე ღრმა ხარ, ისე ფაქიში,  
ქართულო ცაო...“

ეს ერთ-ერთი იმ დიდებულ ლექსთაგანია, რომელიც ქართული პოეზიის შედევრად მიიჩნია ქართველმა ხალხმა და მის მრავალ სხვა ლექსთან ერთად გაითავისა. სწორედ ამ ლექსის წაკითხვით დაასრულა ხელოვნების დამსახურებულმა მოღვაწე სვეტლანა ქეცბამ საღამო, რომელიც მიეძღვნა საქართველოს სახელოვან პოეტს. საღამოს აფხაზეთიდან დევნილი ინტელიგენციის წარმომადგენლებთან ერთად ესწრებოდნენ საქართველოს სახალხო არტისტები – კომპოზიტორი მერი დავითაშვილი და მსახიობი ზინაიდა კვერენჩხილაძე. ქალბატონმა ანამ მის-





ელდარ ქავშბაია  
სოხუმი 2002

სარედაქციო კოლეგია: სვეტლანა ქეცბა, დეკანოზი ბიძინა (გუნია),  
ლია სეხნიაშვილი, ალექსანდრე ფარფალია, ირინა ქეცბა  
პასუხისმგებელი რედაქტორი ციცილო ჯულუხიძე  
სსიპ „სულიერებისა და კულტურის ცენტრი“  
მისამართი: თბილისი, რუსთაველის გამზ. №37, IV სართ. ტელ.: 93-17-20, 895-41-21-70